

Pääikla õhttsažtuâjjuâjja lie i'Immtam, što sij rätckjee Teän sagstööllâmkkää'ddest – MMM tuäivv, što sagstööllmõõžž juätckje alggveärlaž norrõõzzin.

Lää'ddjânnam Sää'mtee'gğ da Teän kue'ltäällvu'vdd lie i'Immtam, što sij keässâ'tte Teän sagstööllâmkkää'ddest. Tän valdiasåabbar piijjâm sagstööllâmkkää'dd tuâjjan lij ooðeed Taar ve'rğgñii'kkivui'm Teänjoogg kue'llsee'llmõõžž šiöttõõlli kue'llsee'llemvuâkkõõzz. Mädd- da meä'cctäälministeria tuäivv, što kue'llsee'llemvuâkkõs-sagstööllmõõžžid vuei'tce vól juä'tkked valdiasåabbar piijjâm norrõõzzâst.

Valdiasåabbar [nõõmti keâđda 2020](#) Lää'ddjânnam vä'ldduumkkää'dd Teän kue'llsee'llemvuâkkõõzz ooðummuž kuõskki sagstööllmõõžžid. Lää'ddjânnam vä'ldduumkkâdda ko'le ee'ttkeei mädd- da meä'cctäälministeriast, Lappi JJP-kõõskõõzzâst, vuõiggâdvuõttministeriast, ålggministeriast, Teän kue'ltäällvuu'dest di Sää'mtee'gğgest.

[Sää'mtee'gğ da Teän kue'ltäällvu'vdd lie 16.12.2022 i'Immtam](#), što Teän kue'ltäällvu'vdd lij tu'mmjam keässõõttâd sagstööllmõõžžin da Lää'ddjânnam Sää'mtee'gğ kiõtt'tâ'le jiijjâs čââudõõzz tän neä'ttlest. Pääikla oummin lij vääžnai rool sagstööllâmkkää'ddest Teän jeällmõõžži, kue'llsee'llma kuulli vue'jji da sä'mmlai kue'llsee'llemkulttuur tobddjen.

Sagstööllmõõžžin rätckjummuž mäinnan Sää'mtee'gğ da Teän kue'ltäällvu'vdd lie peäggam jeä'rbi mie'ldd sij tu'lkkummuž Taar ve'rğgñii'kki e'tkkõõzzâst luõzzsee'llmõõžž kiõldâst Teänjooggâst 5–7 ee'jj ääi'j. Mädd- da meä'cctäälministeria vuäinalm mie'ldd sagstööllmõõžžin Taar valdiain leät ouddnam, leäša tõk lie kuuitâg vól kõskkrää'jest. Tän poodd rajjum e'tkkõõzzid jeät leäkku vól vuäžžam sagstööllâmčââudõõzz. Ministeria tuäivv, što sagstööllmõõžžid vuäi'tceš õinn juä'tkked valdiasåabbar piijjâm norrõõzzâst, ko'st Sää'mtee'gğgest da Teän kue'ltäällvuu'dest lij vääžnai rool.

Teänjoogg luõzznääl lie samai heäjas vue'jjest. Luõzznaa'li jeäll'jummuž diõtt Teänjoogg čä'ccõõzzâst lij leämmaš kiõlddum 2021 da 2022, da va'steei kiõld kuõskki lää'kke'tkkõs ekka 2023 lij samai åån ee'ttikka'ddest kiõtt'tõõllâm vue'lnn. Kue'llsee'llmõõžž täävtõssân lij luõzznaa'li jeäll'jummuš keäll'jeei tässa, mii rääj vuei'tlvi'žžen sä'mmlai kue'llsee'llemkulttuur seeiltummuž še puõ'tti puõlvvõõggid.

Rää'jtõõzzi seu'rrjõssân jooggid lie jåattam tuõđi jäänab luõzz ekka 2020 ve'rddee'l. Tän poodd miârâst ma'cci luõzzmie'rr lij kuuitâg nu'tt u'cc, što juõ'kk šillum luõss raajči bioooglaž keäll'jeei kue'llsee'llmõõžž vuâđđjurddjid vuâstta. Gujo luõssnääl lie nu'tt heäjas sâä'jjest, jeät leäkku kaunnâm vól staani vue'jj ni occânj šee'lled. Sagstööllmõõžž tän ää'sšest še lie kõskkân. Rää'jtõõzzin leät haa'lääm staaneed, što puõ'tti puõlvvõõggin lij vuõiggâdvuõtt šee'lled kue'l ärbvuõđi mie'ldd.

Teänjooggâst lie äärbstes o'dinaknallšem da ärvvsaž luõssnääl, kooi jeäll'jummuš lij vääžnai. Kuhttu jännmi tu'tkkeei seu'rrje aktiivlânji luõssnaa'li sâä'j. Seu'rrjummuž lâä'ssen luõzzâst tue'jjeet määngpeällsaž tu'tkkummuž, koon äu'kkeet še siõttõõllâm-meärrõõzzi vuâđđan.

Lâä'ssteâđ:

luättskäättredmäällduumšek Vesa Ruusila, +358 295 162 051, vesa.ruusila(at)gov.fi

spesiaalä'sštobddi Irena Pirhonen, +358 295 162 069, irena.pirhonen(at)gov.fi